

समां - 12:25 hrs.

<><><><><><>

BRICS Summit

18मां ब्रिक्स शिखर सम्मेलन अज्जै सोआ नमीं दिल्ली दे भारत मंडपम च शुरु होआ रदा ऐ। दंऊ दिनें दे इस बड़डे कार्यक्रम च ब्राजील, चीन, मिस्र, इथोपिया, इंडोनेशिया, भारत, ईरान, रुस, सऊदी अरब, दक्खन अफ्रीका ते संयुक्त अरब अमीरात सनें 11 प्रमुख विकासशील मुख्य किट्ठे इक्कै मंच पर आवाठीं रदे न। इस शिखर सम्मेलन दौरान वैश्विक शासन, आलमी स्तह पर किट्ठे रलियै कम्म करना, बपार ते निवेश, प्रोद्योगिकी, खाद्य ते ऊर्जा सुरक्षा, सेहत, आपदा सरबन्धी तैयारिये ते जरूरी सप्लाई चेन जनेह महत्वपूर्ण विशे पर गल्लबात कीते जाने दी मेद ऐ। भारत इस बरे ब्रिक्स शिखर सम्मेलन दी अगुआई करा रदा ऐ। लचीलापन, नवाचार, सहयोग ते स्थिरता लेई निर्माण, दुनिया भरे थमां केई नेता इस सम्मेलन च हिस्सा लै करदे न, जिंदे च प्रधानमंत्री नरेन्द्र मोदी हुंदे सनें रुस दे राष्ट्रपति व्लादीमीर पुतिन, चीन दे राष्ट्रपति Xi Jinping, दक्खन अफ्रीका दे राष्ट्रपति Cyril Ramaphosa, मिस्र दे राष्ट्रपति Abdel Fattah El-Sisi, इंडोनेशिया दे राष्ट्रपति Prabowo Subianto ते ईरान दे राष्ट्रपति Masoud Pezeshkian होर शामिल न। प्रधानमंत्री नरेन्द्र मोदी हुंदा शिखर सम्मेलन दे बाहरे ब्रिक्स नेताएं कन्नै दपक्खियां गल्लबात करने दा बी कार्यक्रम ऐ, जिंदे च चीन दे राष्ट्रपति Xi Jinping, अबुधाबी दे युवराज Sheikh Khaled bin Mohammed bin Zayed Al Nahyan, इथोपिया दे प्रधानमंत्री Abiy Ahmed Ali, मलेशिया दे प्रधानमंत्री अनवर इब्राहिम ते Vietnamese दे प्रधानमंत्री Le Minh Hung हुंदे कन्नै गल्लबात शामिल ऐ।

<><><><><><>

CS-PMG

जम्मू-कश्मीर राष्ट्रीय परियोजना निगरान समूह आला लेखा गै अपना इक परियोजना निगरान समूह JK-PMG कायम करने दी योजना बना करदा ऐ, तां जे बड़ी विकास परियोजनाएं पर नेइमी तक्क रक्खी जाई सकै ते उन्दी अमलावरी दौरान औने आले कुसै

बी मसले गी हल करने च मदद थोई सकै। राश्ट्रीय परियोजना निगरान समूह दे नुमायंदें, इस बवस्था आंगर लेखा गै प्रदेश च बी इस सरिस्ते गी कायम करने लेई इक पेशकश मुख सचिव अटल डुल्लु हुंदे अगगे रक्खी।

इस प्रस्तावित प्रणाली दा मकसद परियोजनाएं दी निगरानी गी होर मजबूत बनाने, बक्ख-बक्ख मैहकमे बश्कार तालमेल च सुधार करने ते जिमीं हासल करने, मंजूरी ते परियोजनां सरबन्धी होरनें मामलें पर समें-सिर कारवाई यकीनी बनाना ऐ। अटल डुल्लु होरें आखेआ जे असें'गी लोड़चदा जे तकनीकें दा इस्तेमाल करियै समें-समें पर अपडेट देने दे बजाए, Real Time आधारत परियोजना निगरानी पर ध्यान केन्द्रित करचै।

<><><><><><>

Army Commander-Security JK

सेना दी उत्तरी कमान प्रमुख लैफ्टिनेंट जनरल प्रतीक शर्मा होरें आखेआ जे उत्तरी कमान, जम्मू-कश्मीर गी सुरक्षित रखने दे कन्नो-कन्नी विकास दे मौके पैदा करियै घाटी दे नौजवानें दे भविक्ख गी सोआरने च बी मदद करा'रदी ऐ। अनंतनाग जिले दे पैहलगाम च आर्मी Goodwill स्कूल च बोलदे होई लैफ्टिनेंट जनरल शर्मा होरें सुरक्षा यकीनी बनाई रखने ते समुदाय गी समर्थन देने च सेना दी दोहरी भूमिका पर लौ पाई। उ'नें गलाया जे जिआं-जिआं मुख्य विकसित भारत दी बक्खी अगड़ा बदा'रदा ऐ, फौज दी उत्तरी कमान, जम्मू-कश्मीर दे लोकें प्रति अपने समर्पण ते खिते च रमानदारी यकीनी बनाई रखने दे कन्नो-कन्नी राश्ट्र निर्माण लेई वचनबद्ध रौहग।

<><><><><><>

GOC WKC-Kishtwar Visit

फौज दी व्हाई नाइट कोर दे GOC लैफ्टिनेंट जनरल पी.के. मिश्रा होरें किश्तवाड़ जिले दे बक्ख-बक्ख इलाकें दा दौरा लाया ते सुरक्षा हालात, आतंकवाद रोधी बवस्था ते फौज दी कारवाइयें सरबन्धी जानकारी हासल कीती। “एक्स” दी इक पोस्ट पर व्हाई नाइट कोर नै जानकारी सांझी कीती जे कोर कमांडर होरें सुरक्षा बवस्था, आपदा सरबन्धी तैयारियें ते बुनियादी ढांचे वगैरा दा जायजा लैता। उ'नें सैनिकें गी आखेआ जे ओह खिते च कारवाइयें

दी कुशलता, सुरक्षा ते समर्थन गी होर बधाने लेई बाद्दू गैंह पुट्टन। पी.के मिश्रा होरें सब्भनें गी हर समें चौकस रौहने ते कारवाइयें लेई तैयार रौहने लेई आखेआ।

<><><><><><>

DGP -Border Protection Grid

जम्मू-कश्मीर दे DGP नलिन प्रभात होरें BSF, CRPF ते जम्मू-कश्मीर पुलस दे वरिश्ठ अफसरें ते टीमें कन्नै सीमा सुरक्षा तंत्र दा जायजा लैता। बैठक दौरान उ'नें मौजूदा सुरक्षा बवस्था ते बन्ने दी असरदार तरीकें कन्नै राक्खी-हिफाजत लेई सुरक्षाबल किन्नी खरी चाली तैयार न, इस बारे बी गौर कीता। इस दौरान एजेंसिएं बश्कार तालमेल बधाने, कारवाइयें सरबन्धी तैयारियें गी होर निगगर बनाने ते इस गल्लै गी यकीनी बनाने पर ध्यान दिता गेआ जे संवेदनशील इलाकें च तगड़ी सुरक्षा बनी सकें। DGP होरें कुसै बी नमीं सुरक्षा चुनौती कन्ने निब्बड़ने ते इलाके गी सुरक्षित रखने लई सब्भनें सुरक्षाबलें बश्कार नेइमा तालमेल बनाइयै कम्म करने दी जरूरतें पर चेचा जोर दिता।

<><><><><><>

Rana –Devp Works

जल शक्ति मंत्री जावेद राणा होरें पुंछ दे सूरनकोट इलाके च हाई मगरा कराए गेदे राहत ते पुर्नवास कम्में ते विकास कम्में दा जायजा लैने आस्तै इक मीटिंग दी अध्यक्षता कीती। मंत्री होरें जल शक्ति विभाग गी निर्देश दिता जे सूरनकोट कस्बे च पानी सप्लाई प्रणाली च सुधार आस्तै इक तफसीली DPR पेश करन। उ'नें इब्बी निर्देश दिते जे Lift सिंचाई स्कीमें बारे तफसीली सुझाव प्रस्तुत कीते जान, खास करिए हाल च आए दे हाई च नुकसान पुज्जी दी सिंचाई कूहलें दे बारे च, जेदे करी धान लगाने आले ते दुए राई-बाई आले इलाकें च समस्या बनी दी ऐ। उ'नें अधिकारियें गी आखेआ जे लोकें दी समस्याएं गी हल करने बक्खी ध्यान दिता जा ते उन्दी समस्याएं गी सुनने, समझने लेई उपलब्ध रौहन।

<><><><><><>